

ՏԵՐՏԵՐ.– Դրօշակ ունի ձեռին, սրբոց ձեռամբ գրած, թե՛ անյաղթ Նազար, Բաջն Նազար, մին կզարկի, ջարդի հազար: (Լացակումած) Ախ, օրհնեալներ, կրակ է դժոխային, հուր աստուածային:

ՂՈՐՈՆԹԻ.– Զ՞ը՞... վախեցնո՞ւմ ես...

ՂԱՌԱՂՈՒՌԱ.– Փի, թե վախեցրել ես՝ հըա՛մմ...

ՏԵՐՏԵՐ.– Չէ, օրհնեալ, չէ, ճշմարիտ է, վկա աստուած կենդանի: Այո Բաջ Նազարը ձեզնից մեծ ուժի տեր է:

ՂՈՐՈՐԹՈՒՂԱ.– Բո՛ո՛:

ՏԵՐՏԵՐ.– Այո՛, օրհնեալներ, փախե՛ք՝ քանի չի եկել:

ՂՈՐՈՐԹՈՒՂԱ.– Փի՛ե՛՛... Ի՞նչ է ասում:

ՏԵՐՏԵՐ.– Ա՛ման, օրհնեալ, ճշմարիտ եմ ասում: Փախե՛ք, ազատուեցե՛ք:

Դուք ձեր հսկաներն էք տեսել, չէք տեսել Բաջ Նազարը: Բաջ Նազարը գալիս է ոչնչացնելու հսկաների ցեղը: (Երգաձայն) Ահաւասիկ, ամեն ասեմ ձեզ եւ պատմեմ, զոր տեսի աչքով իմօք եւ լուայ ականջօք: Տեսիլ զարմանահրաշ: Զինգ հարիւր հսկաներ իմ աչքի առջեւ ջարդեց, փշրեց, փոշի շինեց, տուեց քամուն: (Ծոցից հանելով մի մասնատուփ եւ պտղուցով հանելով մի փոշի) Ահա, էս մի հատիկ փոշին մնաց, այն էլ ես վերցրի յիշատակ: (Լաց է լինում) Մեա՛ա՛ա՛...

ՂՈՐՈՐԹՈՒՂԱ.– (Մաստիկ ազդուած) Ղորոնթի՛ի՛, մի փոշի է մնացել... Ղառաղուռա... Ղուզղո՞ւն...

ՂԱՌԱՂՈՒՌԱ.– Ախր ձեզ ասում էի՝ էս մեռել ուտողին մի բերե՛ք դեսը: Տեսա՞ք ոնց խելքդ գողացաւ:

ՂՈՐՈՐԹՈՒՂԱ.– (Գլուխը բռնելով) Գողացա՞ւ, Զըա՛մմ... (Տէրտէրին) Գողացա՞ր... Զըա՛մմ...

ՏԵՐՏԵՐ.– Չէ, աստուած մի արասցէ:

ՂԱՌԱՂՈՒՌԱ.– (Մօտենալով տէրտէրին) Բեզ չասի՞ թե մի վախեցնի: Ճզմե՛մ:

ՏԵՐՏԵՐ.– (Ղռռռբուղայի քամակը մտնելով) Կանիծե՛մ...

ՂՈՐՈՐԹՈՒՂԱ.– Բո՛, բո՛...

ՏԵՐՏԵՐ.– Կանիծեմ, որ ձեզ էլ Նազարը ջնջի, դևի մասնատուփը: (Ուզում է դուրս գալ հսկաների օղակից) Մի ճամփա որ տայիք լաւ կլինէր: Էստեղ մի քիչ շոգ է: (Հեւում է սաքսափից):

ՂԱՌԱՂՈՒՌԱ.– Չէ՛, չենք թողնի: Դու մեզ գիր արիր, (Ղռռռբուղային) Բեզ գիր արեց: Բռնի ու բաց մի թողնի դրան, մինչեւ գիրը չանցնի:

ՂՈՐՈՐԹՈՒՂԱ.– Զըա՛մմ, (Շալակում է տէրտէրին):